



Universitätsbibliothek Paderborn

**Consolator Fidelis Et Proficientis Animæ seu
Exhortatiunculæ Spirituales Et Succinctæ In singulas
Dominicas & Festa anni divisæ, quibûs Confessarius in S.
tribunali animam Deum verè quærerentem paternè ...**

Eisvogel, Veremund

Augustae Vindelic., 1727

30. S. Catharina Senensis Abbatissa

[urn:nbn:de:hbz:466:1-52716](#)

314 XXX. Aprilis. S. Catharinæ Sen.

Festum S. Catharinæ Senensis

Monialium sub regula. S. P. Dominici pugnantium Archiducissæ zelosissimæ.

EXHORTATIUNCULA I.

O Fili! quomodo nostros inchoavimus annos? Utinam inchoasssemus cum S. Catharina! Hæc jam septennis se totam votō perpetuæ Virginitatis sponsaverat Christo. Citò operatur Christi gratia, si non impediatur corruptâ naturâ.

Instructio meritoria.

Ut eant animæ plurimæ in exemplum Virginis hujus innocentissimæ, missaque mundō in monasteriis angelicè serviant Christo, offeramus 12. actus specialis in oculis & sensibus modestiæ cum Lytaniis de omnibus sanctis ex ordine S. P. Dominici. Qualis Pater, talis filia.

II.

Sponsam hanc sibi dilectam quomodo honorabat Sponsus Cœlestis? Impressione Sacrorum stigmatum. Obtulit & Coronas, auream unam, spineam alte-

alteram. Quid Catharina? Spineam accipit; rejicit illam, sibi dicens: quale Caput, tale & membrum sic. Christus Jesus sub spinis: & ego. Fili! Non rosis strata est via ad cœlum. Aliam quæramus, & quidem illam ipsam, quæ nobis monstrata ad montem Calvariæ.

Instructio meritoria.

Feriam sextam aut silentiō, aut jejunio aut aliō S. rigoris actu veneremur, ut vel in cordibus religiosorum piorum memoria, & amor Passionis Dominicæ radicetur solidè. Desuper rosarium dolorosum in honorem quinque vulnerum Jesu recitemus. In his dulcis requies, & potens securitas. Faciamus hic nobis quinque tabernacula!

III.

UT iret S. Catharina semper, & ubique cum Deo, quid excogitavit? Per singulos scalæ gradus, per quos ascendere de die debuit sœpius, totidem & *Ave Maria* recitavit. Profectò his gradibus pervenitur ad Deum, & Mariam. Fili! ah! Cur ita vagabundi? In recollectione tam rari? Est Deus à lacere:

O 2 &

316 Fer. VI. post Oct. Pasch. SS. Lanceæ.

& non novimus! quanta mortalium ob-
livio!

Instructio meritoria.

Praxis hæc sancta sanctam reddidit Ca-
tharinam. Assumamus & nos, & hodie
id ter præstemus, ut vel Deus per meri-
ta Mariæ nobis conferat spiritum veræ
compunctionis, & internæ recollectio-
nis. Ad supremum verò scalæ gradum
si pervenerimus, flectamus, & cum Sal-
ve Regina gratias agamus Deo, & Ma-
riæ pro submissa merendi occasione.
Qui pius est, occulta excogitat, qui-
būs sese quotidie Deo, & Mariæ magis
uniat. Periculosa res, portare thefau-
rum publicè in via!

Festum SS. Lanceæ, & Clavo-
rum Domini Nostri Jesu Christi pro
Consolatione Afflictorum.

EXHORTATIUNCULA I.

Fili! Noveritne, quid debeat patienti
Domino? Omnia vestra in eum in-
surrexerunt membra; quia facta inqui-
tatis instrumenta. Ideò & Jesus patitur
pro vobis totus, patitur tremenda: pa-
titur

